

air a coi'-cheangail *eile*, os cionn crios rìomhach na h-ephoid.

28 Agus ceanglaidh iad an uchd-éididh leis a' fainnibh, re fainnibh na h-ephoid le h-éill^a ghuirm, chum as gu'm bi i os cionn crios rìomhach na h-ephoid, agus nach fuasglar an uchd-éididh o'n ephoid.

29 Agus giùlainidh Aaron ainmeanna chloinn Israeil ann an uchd-éididh a' bhreitheanais, air a chridhe, 'nuair a théid e steach do'n *ionad* naomha, mar chuimhneachan ann an làthair an Tighearn a ghnà.

30 Agus cuiridh tu ann an uchd-éididh a' bhreitheanais, an Urim agus an Tummim; agus bithidh iad air cridhe Aaroin, an uair a théid e steach 'an làthair an Tighearna: agus giùlainidh Aaron breitheanas chloinn Israeil air a chridhe, ann an làthair an Tighearn 'an còmhnuidh.

31 Agus ni thu falluing na h-ephoid uile do ghorm.

32 Agus bithidh toll 'na mul-lach, 'na meadhon^b: bithidh foir^c aice timchioll a tuill a dh'obair fhìghe, mar tholl lùiriche-màillich, a chum as nach reubar i.

33 Agus gu *h-iòsal* air a h-iomall ni thu pomgranata do ghorm, agus do chorcur, agus do fcarlaid, air a h-iomall m'an cuairt; agus cluig òir eatorra m'an cuairt:

34 Clag òir agus pomgranat, clag òir agus pomgranat, air iomall na falluinge m'an cuairt.

35 Agus bithidh i air Aaron gu frithealadh: agus cluinnear

a fuaim, anuair a théid e steach do'n *ionad* naomh 'an làthair an Tighearn, agus an uair a thig e mach; a chum nach bàsaich e.

36 Agus ni thu leachd^d a dh'òr fìor-ghlan, agus gearraidh tu oirre, *cofhhuil re* gearradh feulaidh, NAOMACHD DO'N TIGHEARNA.

37 Agus cuiridh tu i air éill ghuirm, agus bithidh i air a' chrùn-sagairt: air taobh beoil a' chrùn-sagairt bithidh i.

38 Agus bithidh i air clàr eudain Aaroin, agus giùlainidh Aaron cionta nan nithe naomha, a choifrigheas clann Israeil 'nan tiodhlacaibh naomha uile: agus bithidh i air clàr eudain 'an còmhnuidh, a chum as gu'm bi iad taitneach 'an làthair an Tighearna.

39 Agus ni thu 'n còta le h-obair gréis a dh'anart grinn, agus ni thu 'n crùn-sagairt a dh'anart grinn, agus ni thu 'n crios a dh'obair snathaide.

40 Agus do mhic Aaroin ni thu còtaichean, agus ni thu dhoibh criofan, agus boineidean ni thu dhoibh, air son glòir agus air son maife.

41 Agus cuiridh tu iad air Aaron do bhràthair, agus air a mhic maille ris; agus ungaidh tu iad, agus coifrigidh tu iad, agus naomhaichidh tu iad; agus frithealaidh iad dhomhs' ann an dreuchd an t-sagairt.

42 Agus ni thu dhoibh briogais anairt a dh'fholach' an nochd^e: o'n leafruidh eadhon agus an sléifdean ruigidh iad.

43 Agus bithidh iad air Aaron, agus air a mhic, an uair a thig

^a cordail; lace. *Saff.*
bann; blàth. *Eabb.*

^b toll a mullaich 'na meadhon.
an lònnochduidh.

^c oir.

^d clàr,
a thig